



Lub Ib Hlis Ntuh Tim 7, 2025

**Tus Kws Kho Tsiaj Ntawm Xeev Txwv Tsis Pub Kom Muaj Txhua Cov Kev Nthuav Qhia Txog Tsiaj Tuaj Tis thiab Nyuj Twm Ua Mis Ntawm Xeev California nyob rau hauv Cov Koom Txoos Kev Qhia Lag Luam thiab Cov Kev Qhia**

Nyob Zoo Cov Neeg Uas Tswj Koom Haum thiab Cov Thawj Coj Saib Xyuas Kev Nthuav Qhia Txog Tsiaj Tuaj Tis thiab Nyuj Twm Ua Mis:

Npaws Noog H5N1 (Npaws Noog) tau kis mus rau cov nyuj ua mis thiab cov tsiaj tuaj tis zoo nkauj (cov pab tsiaj rau kev lag luam thiab cov pab tsiaj nyob ncig qab vag tsib taug) nyob rau hauv Xeev California. Qhov tseeb tiag, Tswv Xeev California Gavin Newsom tau tshaj tawm txog xwm txheej ceev vim yog cov kev kuaj pom no. Suav Txij Lub Yim Hlis Ntuj Xyoo 2024 No Los, muaj cov nyuj ua mis ntawm tshaj 700 tus thiab cov pab tsiaj tuaj tis 60 pab uas cuam tshuam rau cov noog ntau dua 15 lab tus uas muaj kev kuaj pom tias muaj cov nyuj ua mis thiab cov pab tsiaj.

**Vim yog muaj kev kis Npaws Noog H5N1 nyob rau hauv Xeev California, Tus Kws Kho Tsiaj Ntawm Xeev tau tshaj tawm qhov kev txwv rau Cov Kev Nthuav Qhia Txog Tsiaj Tuaj Tis thiab Nyuj Ua Mis nyob ntawm Cov Koom Txoos Kev Qhia Lag Luam thiab Cov Kev Qhia kiag tam sim ntawd kom txog thaum muaj daim ntawv ceeb toom ntxiv. Yuav tsum muaj qhov kev nqis tes no los txo kev phom sij txog kev kis rau tib neeg thiab cov nyuj thiab cov noog uas tsis tau kis mob rau tus kab mob.**

Peb thov kom cov tswv nyuj ua mis thiab tsiaj tuaj tis tiv thaiv tus kab mob loj no los ntawm kev ua raws cai kev nyab xeeb tiv thaiv yam muaj sia uas ntxiv thiab tiv thaiv tsis pub cov noog quj ya tuaj, uas muaj lwm cov tsiaj tuaj tis/cov nyuj ua mis, thiab lawv cov tswv. Dhau li ntawd lawm lawv kuj zam kev txav los sis kev sib faib cuab yeej khoom siv uas tej zaum yuav ua rau muaj kev sib kis kab mob vais lav. Cov tswv nyuj ua mis thiab tsiaj tuaj tis uas muaj cov pab tsiaj uas muaj tej cov mob los sis cov kev tuag tsis zoo li ib txwm/xav tsis thoob ces tsis tsim nyog hloov lawv cov nyuj, cov noog, los sis lawv cov khoom mis los sis tsiaj tuaj tis thiab tsim nyog hu rau lawv tus kws kho tsiaj los sis peb Tus Xov Tooj Hu Ceev Txog Noog Muaj Mob CDFA ntawm 866-922-BIRD (2473).

Npaws noog yog kab mob sib kis tau yooj yim thiab nyiam phom sij txog txoj sia nyob rau hauv cov noog. Kev sib kis ntawm kab mob vais lav yog tau kis los ntawm cov noog quj, tshwj xeeb tshaj yog noog hav dej quj xws li cov os thiab os nab, tab sis muaj ntau yam noog quj tuaj yeem sib kis tau ib yam. Cov kev sib kis kab mob no los ntawm kev hloov txav cov noog uas sib kis los sis cov noog uas kis kab mob lawm, kev sib chwv ncaj nraim los sis tsis ncaj nraim nrog cov noog quj thiab cov noog zoo nkauj uas kis kab mob los sis chwv tau vais lav nyob ntawm chaw (cov npoo) xws cov tes, cov khau, khaub ncaws hnav, los sis ko taw thiab plaub nas los sis lwm cov tsiaj. Dhau li ntawd lawm, cov nyuj ua mis raug cuam tshuam los ntawm kab mob nyob rau lub





CALIFORNIA DEPARTMENT OF

FOOD & AGRICULTURE

Karen Ross, Secretary

xyoo no ib yam nkaus, yog li ntawd tsim nyog siv cov kev ceev faj ntxiv ua qhov tshwj xeeb rau cov vaj uas muaj cov nyuj thiab tsiaj tuaj tis tib si los sis nyob ib ncig ze vaj nyuj.

Cov cim mob fab chaw kuaj mob ntawm npaws noog H5N1 nyob rau cov nyuj suav nrog kev ua kom noj zaub tsawg uas muaj kev txo thooj txhij hauv kev zom thiab kev hloov txav hauv plab, cov cim mob ntawm txoj hlab ua pa (uas suav nrog kev los ntswg), txo qis hauv kev tsim kua mis (cov nyuj uas raug mob hnyav yuav muaj cov kua mis tuab, muaj kua mis ntau los sis tsis muaj peev xwm tsim tau cov kua mis txhua), cov quav ua thooj los sis quav ua kua tsis zoo li ib txwm, qaug zog, lub cev qhuav dej, thiab kub taub hau. Rau cov ntaub ntawv kev paub ntxiv, thov mus saib peb nplooj vev xaib [Vais Lav Npaws Noog CDFA H5N1 Rau Tsiaj Yug.](#)

Cov cim mob fab chaw kuaj mob ntawm npaws noog H5N1 (muaj kab mob yam siab heev) rau tsiaj muaj tis suav nrog kev tuag kiag tam sim ntawd, teeb meem kev ua pa, kev los ntswg (los ntawm qhov ntswg, qhov ncauj, thiab cov qhov muag), qaug zog, ua kom khoom noj thiab dej tsawg tuaj, mob o (cov qhov muag, taub hau, ob daim ntab, lub ib) lub ib, ob daim ntab, los sis ob sab ceg hloov xim los sis doog ntshav, lub caj dab caws/caj dab poob los sis caj dab dam. Rau cov ntaub ntawv kev paub ntxiv, thov mus saib peb nplooj vev xaib [CDFA HPAI H5N1 nyob rau hauv Tsiaj Tuaj Tis.](#)

Kev sib koom tes ntawm cov tswv nyuj thiab noog yog qhov tseem ceeb hauv kev tswj kab mob no; yog tias tsis hloov chaw thiab muab sib xyaw cov nyuj thiab cov noog, ces tuaj yeem tiv thaiv tau kev kis kab mob. Peb yuav ntsuam xyuas kev tso hem thawj txuas mus ntxiv nyob rau ob peb hli tom ntej thiab thim qhov kev txwv no yog tias cov xwm txheej muaj kev hloov pauv. Yog tias koj muaj tej cov lus nug, ces thov tsis txhob ua siab deb es los txuas lus rau kuv ncaj nraim. Ua tsaug rau koj li kev koom tes.

Rau cov ntaub ntawv tshiab tshaj plaws hais txog kev sib kis HPAI 2022-24, koj tuaj yeem ntsuam xyuas nplooj vev xaib [USDA APHIS Cov Kev Kuaj Xyuas Txog Kab Mob Npaws Noog Uas Yog Kab Mob Siab Heev.](#)

Sau npe,

Annette Jones,  
D.V.M.

Dr. Annette Jones

Tus Kws Kho Tsiaj Ntawm Xeev

Rau npe hauv dis cis taus los ntawm Annette Jones, D.V.M.  
Hnub tim: 2025.01.08 08:35:35 -08'00'

